

四庫全書

子部

欽定四庫全書

冊府元龜卷九百五十六 宋 王欽若等 撰

外臣部

總序

夫東方曰夷被髮而文身南方曰蠻雕題而交趾西方曰戎被髮而衣皮北方曰狄衣羽毛而穴居古者制夷蠻為要服制戎翟為荒服要服者貢荒服者王蓋要荒皆王者之外二臣也其在上古簡冊未造四夷之事湮

滅罔紀至於陶唐有山戎獫狁薰鬻之狄虞舜始請流
共工于幽陵以變北狄放讎兜于崇山以變南蠻遷三
苗于三危以變西戎殛鯀于羽山以變東夷命皋陶為
士以掌猾夏之禁及禹定九州舜乃南撫交趾西放西
戎析枝渠搜氐羌北發山戎息慎東長鳥夷夏太康失
德夷人始畔是時夷有九種竹書紀年云夏后泄二十
一年命犬夷白夷赤夷玄夷風夷陽夷后
相二年征黃夷七年于夷來
賓少康即位方夷來賓是也
后相即位乃征畎夷七年
然後賓少康已後夷人世服王化賓于王門獻其樂舞

帝桀不道諸侯內侵吠夷入居邠岐之間商湯革命伐
而定之至於仲丁藍夷作寇武丁即位征西戎鬼方而
克之武乙衰弊東夷侵盛分遷淮岱漸居中土犬戎寇
邊周古公亶父踰梁山而避於岐洎于王季遂伐西落
鬼戎及始呼翳徒之戎皆克之文王為西伯又伐吠戎
至武王伐紂羗夷會于牧野肅慎來獻定都艸鎬乃放
逐戎夷涇洛之北後周公征管蔡遂定東夷洎穆王伐
吠戎得白狼白鹿以歸自是荒服不至

又云穆王西征
吠戎獲其五王

遂遷戎于太原

是時周道衰弱徐夷僭號王命楚文王克之時

楚又克荆蠻而服屬之懿王之時獫狁內侵厲王不道
淮夷入寇蠻荆為讎宣王中興乃命將帥征蠻荆平淮
夷伐獫狁城朔方而四夷賓焉幽王之亂吠戎復入居
涇渭之間秦襄公伐平之平王東遷四夷交侵中國齊
桓公攘之後山戎伐燕齊桓公走之襄王時戎翟犯雒
邑東至衛境侵盜尤多晉文公修霸業乃興師伐之攘
戎狄居于西河周雒之間號曰赤翟白翟是時秦晉自

瓜州遷陸渾戎于伊川遷九姓之戎于渭汭東及鞬轅
曰陰戎其後隴以西有緜諸畎戎狄獠邾冀之戎岐梁
涇漆之北有義渠大荔烏氏昫行之戎渭南有驪戎伊
雒間有揚拒泉臬之戎潁首以西有蠻氏之戎晉北有
林胡樓煩之戎燕北有東胡山戎而淮夷越遷瑯邪陵
暴諸夏後晉悼公使魏絳和戎翟戎翟朝晉陰戎之種
遂以滋廣與晉成周後陸渾戎叛晉晉荀吳滅之楚靈
王會申淮夷來盟自後楚遂執蠻氏盡囚之秦厲公滅

大荔取其地楚悼王并蠻越有洞庭蒼梧之地趙襄子
踰句注破戎翟以臨胡貉韓魏稍并伊雒陰戎滅之其
遺脫者皆西走踰汧隴自是中國無戎寇惟餘義渠種
焉後最為強盛屢為秦患秦昭王起兵滅之以其地置
隴西北地上郡又伐楚掠取蠻夷為黔中郡築長城以
距胡趙武靈王胡服習騎射破林胡樓煩自代並陰山
下至高關為塞置雲中雁門代郡其後燕有賢將秦開
襲破東胡却地千里燕遂築長城自造陽至襄平以拒

胡秦始皇滅六國驅羌戎出塞北却匈奴築長城渡河以陰山為塞散淮夷為民戶畧定揚粵破西南夷通五尺道盡置吏焉洎諸侯叛秦中國擾亂匈奴得寬復稍渡河南與中國界於故塞楚將軍莊蹻王滇龍川令趙佗王南粵燕人滿王朝鮮漢初匈奴冒頓強盛悉復收秦所奪地遂侵燕代時漢方與項羽相距未暇禦邊乃棄西南夷而關蜀故徼約朝鮮為外臣保塞漢平定天下匈奴復寇馬邑踰句注攻太原至晉陽漢高帝親將

兵往擊之遂約和親是後數背約盟侵盜代地孝惠高
后時匈奴南粵數為邊患文帝時匈奴或入居河南地
為寇漢兵擊走之復入朝那蕭關至彭陽漢遂發兵出
塞即還不能有所殺匈奴日以驕歲入邊殺畧人民雲
中遼東最盛而陸賈說南粵奉藩稱臣景帝時乃與匈
奴通關市給遣之時時小入盜邊無大寇西羌研種亦
求徙于狄道安固武帝即位初邊陲無警洎馬邑失策
匈奴乃歲入盜邊于是天子尚威武勤遠畧命衛霍將

兵深入大敗其衆匈奴遠遁幕南無王庭是時南誅兩越東拔濊貊朝鮮以為郡通西南夷犍牂牁夜郎等為置吏通西域三十六國逐西羌渡河湟以其地置酒泉等郡隔絕胡羌相通之路又以公主妻烏孫以分匈奴西方之援國置護羌校尉以護先零等羌洎貳師不利漢始不復出兵昭帝時匈奴犯塞後漢兵破烏桓匈奴震恐遂不能出兵而西南夷氏人數叛皆破平之宣帝即位發五將軍兵十餘萬出塞討匈奴又護發烏孫兵從

西方人以助漢兵匈奴逃遁死傷不可勝數自是衰耗日削洎五單于爭立君長多降漢甘露三年呼韓邪單于遂入朝于甘泉宮始置都護督察西域諸國而先零又寇金城皆討降之置金城屬國以處之自後賓服元帝時竟寧河平中匈奴單于再入朝哀帝即位烏孫大昆彌與單于共入朝時西域分為五十五國皆通貢獻王莽之亂蠻夷愁擾匈奴復入塞貊人寇邊粵雋蠻夷自立為王西域怨叛與中國絕後漢建武初東夷高句

驪濊貊倭韓萬里朝獻西域遣使內屬光武不許之而
武陵蠻夷特盛侵冠州郡匈奴來獻復與烏桓寇鈔不
絕二十三年南北二單于立南單于款塞稱臣願為藩
蔽漢嘉其意割并州北界以安之自是二虜相侵漢地
晏然矣二十五年烏桓向化鮮卑始通驛使羣蠻乃平
哀牢夷內屬然自後羣蠻西南夷種滋多叛服不一明
帝永平初鮮卑歸附北匈奴復入寇盜又脅西域諸國
寇河西漢兵遂取伊吾盧地置宜禾都尉復通西域于

闐諸國並遣子入侍西域自絕六十五載乃復通焉章
帝建初元年武陵澧中蠻畔擊降之元和初北匈奴衰
耗遠引而去西域叛漢乃迎還戊己校尉留軍司馬班
超於于闐綏集諸國和帝永元元年漢兵大破北單于
而鮮卑轉據其地得匈奴遺種其族漸盛尤為邊患三
年班超遂定西域至于海瀕通驛四萬里安帝永初元
年西域背叛攻圍都護遂棄西域三年南單于叛烏桓
鮮卑羣蠻為寇諸羌競起為患尤橫自後或降或畔延

光中復以班勇為西域長史通西域自建武至是後西域三絕三通順帝永建二年勇復降焉者等十七國而烏孫葱嶺已西遂絕桓帝永壽元年南匈奴復畔與烏桓鮮卑寇邊擊降之永興已後西域浸以疎慢矣靈帝末天下大亂單于統數千騎與白波賊合寇河內鮮卑烏桓為寇尤甚魏太祖乃分塞下匈奴為五部徙居太原諸縣其西域大國朝貢畧如漢氏故事時烏桓鮮卑強盛後太祖乃破烏桓徙其餘種於中國明帝青龍中

鮮卑種落離散邊陲差安雖時有寇鈔不能復相役屬
矣景初中誅公孫淵始通東夷收樂浪帶方之郡海表
謐然時西南邛笮則界于蜀南蠻交阯則界于吳皆時
有叛服晉武帝受禪四夷入貢者二十三國塞外匈奴
二萬餘落向化使與晉人雜居河西惠帝之後大為中
國之患自是羌虜戎羯盜居內地建國僭號凡十有六
國而南徼蠻夷寇鈔不絕宋齊至於梁陳與後魏北齊
分據中夏蠻徼海夷則朝貢于南羌胡夷狄則賓屬於

北種族國邑之號日以蕃滋服叛朝貢之事不可悉紀而漠北惟蠕蠕最為強盛後周突厥復強與吐谷渾數為邊患西域時通使聘隋混一南北與吐谷渾和親朝貢歲至時突厥二可汗爭立隋討達頭可汗而立啓民可汗因之和親北鄙以寧煬帝好兵勤遠西域至者三十餘國取吐渾地為郡縣高昌王突厥可汗西突厥處羅可汗皆詣闕貢獻高麗再征而服大業之末中國叛亂華人奔突厥者甚衆其族遂熾而西突厥亦跨有西

域諸國唐高祖起兵突厥遣兵助平京城武德初突厥來貢未幾入寇并汾至于渭濱太宗與之盟而退時薛延陀漸雄于漠北貞觀中西突厥數易主西域諸國多叛之而內屬時又党項請降太宗命置岨奉巖遠四州以處之俄而吐蕃連羊同破吐谷渾党項白蘭諸羌率衆入寇松州遂約和親自是賓服未幾回紇破薛延陀併其衆五年唐兵破突厥擒頡利可汗降者僅十萬置定襄雲中二都督府以統其部衆時塞北惟回紇為雄

太宗又置燕然等六府七州以統之九年討降吐谷渾
十三年破高昌以其地置西州及安西都護府十四年
虜焉耆王二十一年擒龜茲王西域震服高宗永徽元
年擒車鼻可汗而突厥盡為封疆之臣置單于瀚海二
都護府以統之二年擒西突厥賀魯分其種落置崑陵
濛池二都護府以領之自是西域諸國皆通於中國六
年回紇遣兵助討高麗龍朔二年吐蕃滅吐谷渾咸亨
已後吐蕃復畔寇邊掠有諸羌之地西陷四鎮地方萬

餘里調露元年突厥復畔則天長壽元年始大破吐蕃
收四鎮之地乃於龜茲復置安西都護府以鎮之聖歷
中突厥寇邊為害尤極久視元年又大破吐蕃吐蕃請
和中宗初突厥愈強盛寇邊而吐蕃貢獻請和親睿宗
即位乃以河西九曲地賜吐蕃以其地肥饒堪頓兵於
是復畔明皇初突厥萬餘帳來降屢遣使朝獻吐蕃數
寇邊境陷瓜州回紇斷安西路開元十六年大破吐蕃
二十四年又掩吐蕃不備而破之自是朝貢不至數為

寇盜天寶末盡徵河隴朔方之兵入靖國難於是邠州之地盡為吐蕃所據肅宗在靈武與回紇和親回紇遣兵助國討逆由是朝貢不絕而劍南西川諸州陷於吐蕃代宗即位復徵回紇兵討史朝義賊平令還廣德中吐蕃犯上都永泰元年吐蕃回紇吐谷渾党項入寇王畿回紇復降請擊吐蕃破之自是吐蕃屢寇邊境雖頻破之而其勢寢盛十年回紇寇太原德宗即位與回紇和親歸吐蕃俘虜置和蕃使與之盟誓以紓邊難興元

中吐蕃復寇陷鹽夏等州貞元三年又刦平涼之盟自是吐蕃侵軼寇掠尤甚邊無寧日五年以後漸為邊將所破然猶陷北庭麟州順宗以後吐蕃請和至憲宗元和十三年復擾邊境穆宗即位與回紇和親吐蕃復請盟於京城之西是後朝貢繼至武宗時回紇黠戛斯犯東陁已北宣宗大中初回紇破弱遂轉徙於磧西吐蕃宰相尚恐熟以秦原安樂等州并石門等七關款塞僖宗光啟中契丹王習爾稍強盛時中原多故習爾遂役

屬達靺奚室韋等諸部入寇其後為幽州劉守光所破
十年不敢犯塞昭宗天祐四年寇雲中後唐武皇帝與
之連和又吐渾數叛旋亦歸服達靺亦依於武皇時中
原罹亂燕人多入於虜天祐末契丹阿保機遂建大號
署百官為城郭梁祖建號契丹遣使求封冊梁祖不許
而其衆滋盛後唐莊宗時匈奴數為邊患吐渾微弱聚
居蔚州界皆授中國官爵河西党項突厥吐蕃朝貢不
絕明宗即位遣使修好於契丹時虜主德光始建年紀

未幾復寇北鄙為邊兵所破數年不敢窺邊洎晉祖求
援於契丹遂割幽朔雲應等州以賂之自是吐渾遂屬
於契丹終高祖世畧無釁隙開運衰敝遂陷京闕漢高
祖初屢誅吐渾酋長其種遂衰契丹入寇邢州周太祖
時契丹遣使貢獻未幾其國亂久絕南牧之意太祖又
自陘州安國鎮至西涼府沿路三處置州以吐蕃首領
為刺史以總之世宗顯德中親征關南復瀛莫雄霸等
州留兵以戍守自是河朔無寇患然自唐武德後至五

代侵犯邊境役屬諸蕃者惟突厥吐蕃等數族爾自餘蠻夷皆不能為邊患悉朝貢不絕若夫種類之起國邑之建風土之異職位之別承襲之次象譯之等盛衰叛服之狀交侵仇怨之迹至于款塞內附遣使入貢交通好問臨蒞盟載修建警備求請饗給助國討叛納質請朝遂和親之榮收互市之利膺封拜之典承隆寵之數以至材畧形貌德行伎藝及暴慢苛忍之性怨望奸偽之事咸列於逐門今但叙其歷代大畧以冠於篇云凡

外臣部三十四門

種族

夫四裔者居中國之外稟一氣而生性別域殊未始滅絕天之覆露必將有以自唐虞而下見於書傳兩漢所紀最為詳悉然弱則卑伏而內附強則桀驁而難制遷徙霧舉居無城郭之處蕃滋星散布諸虛曠之野迭衰迭盛不可得而去者蓋所以乖隔方隅扞蔽諸夏之為也是以古之聖人務於含養俾列要荒羈縻不絕勿使

侵擾而已矧其保姓受氏分疆畫野亦有神明之遠裔
不專主於怪誕參考類次披文而可見焉

東方夷有九種曰吠夷于夷方夷黃夷白夷赤夷玄夷
風夷陽夷故孔子欲居九夷也

朝鮮衛王滿故燕人自始全燕時嘗畧屬真番番音普寒切一

作莫遼東有番汗縣戰國時燕國畧得此地漢興屬燕燕王盧綰反入匈奴滿

亡命聚黨千餘人椎結讀日蠻夷服而東走出塞度涓

水稍役屬直番涓水在樂浪縣音普益切朝鮮蠻夷及故燕齊亡在

者王之

燕齊之人亡居此地及直番朝鮮蠻夷皆屬滿也

都王險

地名臣欽若等按後漢書

瀝及沃沮句驪本皆朝鮮之地以渠帥為侯王元無族

夫餘國本瀝地也初北夷索離國王出行

索或作索音度雜切

其

侍兒於後倭身

倭人鳴切

王還欲殺之侍兒曰前見天上有

氣大如雞子來降我因以有身王囚之後遂生男王令

置于豕牢

牢圜

豕以口氣噓之不死復置于馬蘭

蘭即攔也馬

亦如之王以為神乃聽母收養名曰東明東明長而善

射王忌其猛復欲殺之東明奔走南至掩淲水

今高麗中有善

斯水疑
此水是

以弓擊水魚鱉皆聚浮水上東明乘之得度因

至夫餘而王之焉

高句驪

亦作麗
音離

東夷相傳以為夫餘別種凡有五族有

消奴部

一作
消奴

絕奴部順奴部灌奴部桂婁部

高驪五部
一曰內部

一名黃部即桂婁部也二曰北部一名後部即絕奴部
也三曰東部一名左部即順奴部也四曰南部一名前
部即灌奴部也五曰西部
一名右部即消奴部也 一說夫餘王嘗得河伯女因

閉於室內為日所炤引身避之日影又逐既而有孕生

一卵大如五升夫餘王棄之與犬犬不食與豕豕不食

棄於路牛馬避之棄於野衆鳥以毛茹之王剖之不能
破遂還其母母以物裹置煖處有一男破而出及長字
之曰朱蒙朱蒙善射夫餘之臣謀殺之乃東走北至紇
升骨城遂居焉號曰高句驪以高為氏

水貂句驪別種依小水為居因名

百濟本夫餘王之後有仇台者復為高麗所破以百家
濟海因號百濟

新羅本辰韓種也其國在高麗東南居漢時樂浪之地

或稱斯羅其王本百濟人自海逃入新羅遂王其國

一說

本弁韓之

苗裔也

濊國南與高句麗接耆舊自謂與句麗同種

馬韓古之辰國也韓有三種馬韓最大共立其種為辰王

辰韓在馬韓之東其耆老自言秦之亡人避苦役適韓國馬韓割東界地與之其名國為邦號為弧賊為寇行酒為行觴相別為徙有似秦語故或名之為秦韓

倭人在帶方東南大海之中自謂太伯之後昔夏少康之子封於會稽斷髮文身以避蛟龍之害今倭人好沉沒捕魚蛤文身亦以厭大魚水禽後為女王國夷洲及澶洲傳言秦始皇遣方士徐福將童男女數千人入海求蓬萊神仙不得徐福畏誅不敢還遂止此洲世世相承有數萬家人民

挹婁肅慎之後裔也其國在不咸山北在夫餘東北千有餘里

日本國者倭國之別種也以其國在日邊故以日本為名

南越王尉佗者真定人姓趙氏秦時為南海龍川令二世時南海尉任囂死佗行南海尉事秦滅佗自立為南

越武王

閩越王無諸

東越之別種

及越東海王拙者其先皆越王句

踐之後也姓騶氏

騶一作駱

秦已并天下皆廢為君長以其

地為閩中郡諸侯叛秦無諸拙率越歸都陽令吳芮所

謂鄱君者也漢五年復立無諸為閩越王王閩中故地

都冶孝惠三年舉高帝時越功曰閩君搖功多乃立

搖為東海王

在吳郡東
南海濱

都東甌

今之
永寧

世俗號為東甌王

林邑國本漢時象林縣後漢末縣功曹姓區有子曰連

殺今自立為王子孫相承其後王無嗣外孫范熊代立

丹丹國隋時聞焉在多羅磨羅國西北振州東南王姓

刹利名尸陵伽

扶南國其王本是女子字葉柳時有外國人混漬者先

事神夢神賜之弓又教載舶入海混潰旦詣神祠得弓
遂隨估人汎海至扶南外邑葉柳率衆禦之混潰舉弓
葉柳懼遂降之於是混潰納以為妻而據其國後裔衰
微子孫不紹其將范尋後世王扶南矣

真臘國

一云直臘

隋時通焉在林邑西北本扶南之屬

多摩長國唐顯慶中遣使朝貢其使云某王先祖骨利
龍之子也骨利嘗得大鳥卵剖之得一女子容色殊妙
因以為妻今王尸羅劬傭即其後也

赤土國扶南之別種也其王姓瞿曇氏名富利多塞不知有國近遠稱其父釋王位出家為道傳位於富利多塞也

朱江國其王姓刹氏名質多斯那自其祖漸已強盛至質多斯那遂兼扶南而有之

長沙武陵蠻者槃瓠之後也始高辛氏有犬戎之寇帝患其侵暴而征伐不尅乃訪募天下有能得犬戎之將吳將軍頭者購黃金千鎰邑萬家又妻以少女時帝有

畜狗其毛五采名曰槃瓠

魏畧曰高辛氏有老婦居王
室得耳疾挑之乃得物大如

滿婦人盛瓠中覆之以槃俄頃
化為犬其文五色因名曰槃瓠

下令之後槃瓠遂啣人

頭造闕下羣臣怪而矜之乃吳將軍首也

矜候
視也

帝大喜

而計槃瓠不可妻之以女又無封爵之道議欲有報而

未知所宜女聞之以為帝皇下令不可違信因請行帝

不得已乃以女配槃瓠槃瓠得女負而走入南山之上

石壁室中所處險絕人跡不至

今辰州盧溪縣西有武
山黃閔武陵記曰山高

可萬仞山半有槃瓠石室可容數萬人中有石牀槃瓠
行跡今案山窟前有石羊石獸古跡奇異尤多望石窟

大如三間屋遙見一石仍似狗
形蠻俗相傳云是槃瓠象也
於是女解去衣裳為僕

鑒之結著獨力之衣

僕鑒獨力皆未詳流俗本或有改鑒字為暨者妄穿鑿者也

帝

悲思之遣使尋求輒遇風雨震晦使者不得進經三年

生子一十二人六男六女槃瓠死後因自相夫妻織績

木皮染以草實好五色衣服製裁皆有尾形

子寶晉記曰武陵長

沙廬江郡夷槃瓠之後也雜處五溪之內槃瓠憑山阻險每每嘗為害操雜魚肉叩槽而號以祭槃瓠俗稱赤

體橫裙即其子孫

其母後歸以狀白帝於是使迎致諸子衣裳

斑斕語言侏離

侏離蠻夷語聲也

好入山壑不樂平曠帝順其

意賜以名山廣澤其後滋蔓號曰蠻夷外癡內黠安土

重舊以先父有功母帝之女田作賈販無關梁符傳租

稅之賦

優寵之故蠲其賦役也荆州記曰沅陵縣居酉口有上就武陽二鄉惟北是槃軻子孫狗種也

二鄉在武溪之北

有邑君長皆賜印綬冠用獼皮名渠率曰精

夫相呼為媿徒

說文曰媿女人自稱媿我也音鳥黨切此以上並見風俗通也

其後號

荆雍州蠻槃之後也分建種落布在諸郡縣荆州置南

蠻雍州置寧蠻校尉以領之

西南夷夜郎者初有女子浣於遯水有三節大竹流入

足間聞其中有號聲剖竹視之得一男子歸而養之及

長有武才自立為夜郎侯以竹為姓

見華陽國志

武帝元鼎

六年平南夷為牂牁郡夜郎侯迎降天子賜其王印綬

後遂殺之夷獠咸以竹王非血氣所生甚重之求為立

後牂牁太守吳霸以聞天子乃封其三子為侯死配食

其父今夜郎縣有竹王三郎神是也

地理志曰夜郎縣有遯水東至廣鬱

華陽國志云遯水通鬱林有三郎祠皆有靈響又云竹王所捐破竹於林今王祠竹林是也王嘗從人止大石

上命作羹從者白無水王以劍擊石出水今竹王水是也

滇王者

滇音顛地有滇池因為名

莊躡之後也始楚威王時使畧巴

邑黔中以西

黔中即今黔州是其地本巴人也

躡楚莊王苗裔躡至滇

池三百里旁平地肥饒數千里

池旁地也

以兵威定屬楚欲

歸報會秦擊奪楚巴黔中郡道塞不通因乃以其衆王

滇變服從其俗以長之

為其師長也

哀牢夷者其先有婦人名沙壹居于牢山嘗捕魚水中

觸沉木若有感因懷姙十月產子男十人後沉木化為

龍出水上少頃忽聞龍語曰若為我生子今悉何在九

子見龍驚走獨小子不能去背龍而坐龍因舐之其母
鳥語謂背為九謂坐為隆因名子曰九隆及後長大諸
兄以九隆能為父所舐而黥遂共推以為王後牢山下
有一夫一婦復生十女子九隆兄弟娶以為妻後漸相

滋長種人皆刻畫其身象龍衣文皆著尾

自此以上並見風俗通也

九隆死世世相繼

哀牢傳曰九隆代代相傳名號不可得而數至於禁高乃可記名禁高死

子吸代代吸死子建非代建非死子哀牢代哀牢死子桑
藕代桑藕死子如承代如承死子柳貌代柳貌死子扈

代桑乃分置小王往往邑居散在谿谷

冉駝夷者漢武元鼎六年以為文山郡其山有六夷七羌九氐各有部落

東謝蠻者在黔安之東南蠻之別種也

松外蠻在西洱河其部落大者五六百戶小者二三百戶無大君皆不相統有數十姓以楊李趙董之家各擅一屬自云其先本漢人自夜郎滇池以西皆云莊蹻之餘種也

巴郡南郡蠻本有五姓巴氏樊氏暕氏

音審

相氏鄭氏皆

出於武落鍾離山

世本曰廩君之先故出誣誕也

其山有赤黑二穴巴

氏之子生於赤穴四姓之子生於黑穴未有君長俱事

鬼神乃共擲劍於石穴約能中者奉以為君巴氏子務

相乃獨中之衆皆歎又令各乘土船約能浮者當以為

君餘姓悉沉惟務相獨浮因共立之是為廩君乃乘土

船從夷水至鹽陽

荊州圖曰副夷縣有溫泉古老相傳此泉元出鹽於今水有鹽氣縣西一

獨山有石穴有二大石並立穴中相去可一丈俗名為陰陽石陰石常濕陽石常燥盛弘之荊州記曰昔廩君

浮夷水射鹽神于陽石之上案今施州清江縣水一名鹽水源出清江縣西都亭山水經云夷水巴郡魚復縣

注云水色清灼分十丈沙石蜀人見澄清因名清江也

鹽水有女神謂廩君曰此

地廣大魚鹽所出願留共居廩君不許鹽神暮輒來取

宿旦化為蟲與諸蟲羣飛掩蔽日光天地晦冥積十餘

日廩君思其便因射殺之天日開明

世本曰廩君使人操青縷以遺鹽神

曰嬰此即相宜云與女俱生不宜將去鹽神受此而嬰之廩君即立陽石上應青縷而射之中鹽神死天乃大

也開廩君於是君乎夷城四姓皆臣之廩君死魂魄世為

白虎巴氏以虎飲人血遂以人祠焉及秦惠王并巴中

以巴氏為蠻夷君長世尚秦女其民爵土不更有罪得

以爵除其君長歲出賦二千一十六錢三歲一出義賦

千八百錢其民戶出帛布八丈二尺雞羽三十錡

說文帛南

蠻夷布也音公亞切毛詩四錡既均儀禮錡矢一乘鄭元曰錡猶候也候物射之也三十錡一百四十九俗本

帛作蒙錡作錡並誤也

漢興南郡太守靳彊請一依秦時故事至

建武二十三年南郡澹山蠻雷遷等始反叛

澹音屠

寇掠

百姓遣武威將軍劉尚將萬餘人討破之徙其種人七

千餘口置江夏界中今沔中蠻是也

焦僥國後漢時通焉自言我海西人海西即大秦也

獠者蓋南之別種也自漢中達邛笮洲洞之間所在皆有其種多散居山谷中不辨姓氏雲南本烏蠻之別種蒙氏蠻謂王為詔自言哀牢之後代居蒙舍州為渠帥在漢永昌故郡東姚州之西

哥羅國漢時聞焉在槃槃東南亦曰哥羅富沙羅國云其王姓天梨天鉢羅

附國者蜀郡西北二千餘里即漢之南夷也有嘉良夷即其東部所居種姓自相率領土俗與附國同

西爨南寧之渠帥也其王自云本河東安邑人七世祖
仕晉為南寧太守屬中國亂遂王蠻夷梁元帝時南寧
州刺史徐文盛徵詣荆州有爨瓚者遂據南寧之地
白馬蜀之西冉駝以東君長以十數白馬最大皆氐類
也

東女國西羌之別種以西海中復有女國故稱東女焉
西域大月氏本行國也居燉煌祁連間匈奴冒頓單于
攻破月氏老上單于殺月氏月氏乃遠去過大隴西擊

大夏而臣之其餘小衆不能去者保南山羌號小月氏

初月氏為匈奴所滅分其國為體密雙靡貴霜臚頓都

密凡五部翎侯

一云小月氏國都富樓沙城其王本大月氏王寄多羅子也寄多羅為匈奴所

逐西徙後令其子守此城因號小月氏

罽賓國北與大月氏接匈奴破大月氏大月氏西君大

夏而塞王南君罽賓

君謂為之君也

塞種分散往往為數國

所即

謂釋種者也亦語頗有輕重

自疏勒以西北休循捐毒之屬皆故塞

種也

烏孫國東與匈奴西北與康居西與大宛南與城郭諸國相接本塞地大月氏居其地後烏孫昆莫破大月氏大月氏徙西臣大夏而烏孫昆莫居之故烏孫民有塞種大月氏種

龜茲國者西域之舊國者也後漢光武時其王名弘為莎車王賢所殺滅其族賢使其子則羅為龜茲王國又殺則羅匈奴立龜茲貴人身毒為王

西夜國王號子合東與皮山西南與烏托北與莎車西

與蒲犁接蒲犁及依耐無雷國皆西夜類也西夜與胡

異其種類羌氏行國

言不土著也

中天竺國一名身毒身毒即天竺蓋傳譯音字不同其實一也從月支高附以西南至西海東至盤越列國數

千里每國置王其名雖異皆身毒也或云摩伽國

亦云婆羅

門昔有婆羅門領徒衆千人肄業於樹下樹神降之遂

為夫婦宮室自然而立僮僕甚盛於是使役百神築壘以繞之經日而就此後有阿育王復使鬼壘石為宮闕

皆雕文刻鏤非人所及阿育王頗行苛政置炮炙之刑謂之地獄今城中見有其迹焉

獅子國天竺旁國也其國舊無人民止有鬼神及龍居之諸國商估來共市易鬼神不見其形但出珍寶顯其所堪價商人依價取之諸國人聞其土樂因此競至或有停住者遂成大國

波斯國其先有波斯匿王者子孫以王父字為氏因為國號

大食國大波斯之別種也隋大業中有波斯胡人牧駝於俱紛摩地那之山忽有獅子從地踊出人語謂胡人曰此山西有三穴穴中大有兵器汝可取之至穴中有刀及稍甚多石上有文教其反叛於是糾合亡命渡恒曷水劫奪商旅其衆漸盛遂割據波斯西境自立為王波斯拂菻各遣兵討之反為所敗其王姓大食名噉密莫未臆至唐高宗時來朝貢自云有國已三十四年歷三王矣

蒲類本大國也前西域屬匈奴而其王得罪單于單于怒徙蒲類人六千餘口內之匈奴右部阿惡地因號曰阿惡國南去車師後部馬行九十餘日人口貧羸逃亡山谷間故留為國

湟中月氏胡其先大月氏之別也舊在張掖酒泉地月氏王為匈奴冒頓所殺餘種分散西踰葱嶺其羸弱者南入山阻依諸羌居止遂與共婚姻

康國者康居之後也遷徙無常不恒故地然自漢以來

相承不絕其王本姓溫月氏人也舊居祈連山北昭武城因被匈奴所破西踰葱嶺遂有其國支庶各分王故康國左右諸國並以昭武為姓示不忘本也

鎊汗國都葱嶺之西五百餘里古渠搜國也王姓昭武字阿利浹

安國漢時安息國也王姓昭武氏與康國同族

何國都那密水南數里舊是康居地也其王姓昭武亦康國王之族類

漕國在葱嶺之北漢時屬賓國也其王姓昭武字順達
康國王之宗族

烏那曷國都烏澗水西舊安息之地也王姓昭武亦康
國種類

穆國都烏澗河之西亦安息之故地與烏那曷為隣其
王姓昭武亦康國之種類也

史國都獨莫水南十里舊康居之地也其王姓昭武亦
康國王之支庶俗同康國

米國都那密水西舊康居之地也無王其城主姓昭武
康國王之支

西羌之本出自三苗姜姓之別也其國近南岳及舜流

四凶徙之三危

三危山在今沙州敦煌縣東南

河關之西南羌地是也

其俗氏族無定或以父名母姓為種號秦厲公時有無
弋爰劍者為秦所拘執以為奴隸不知爰劍何戎之別
也後得亡歸而秦人追之急藏於巖穴中得免羌人云
爰劍初藏穴中秦人焚之有景象如虎為其蔽火得以

不死既出又與劓女遇於野遂成夫婦女恥其狀被髮覆面羌人因以為俗遂俱亡入三河間諸羌見爰劍被焚不死怪其神共畏事之推以為豪河湟間少五穀多禽獸以射獵為事爰劍教之田畜遂見敬信廬落種人依之者日益衆羌人謂奴為弋以爰劍常為奴隸故因名之其後世世為豪至爰劍曾孫忍之時秦獻公初立欲復穆公之迹兵臨渭首滅狄獯戎

獯音丸

忍季父邛畏

秦之威將其衆種人附落而南出賜支河

禹貢所謂折支也

曲

西數千里與羌絕遠不復交通其後子孫分別各自為種任隨所之或為牦牛種越舊羌是也或為白馬種廣漢羌是也或為參狼種武都羌是也忍及弟舞獨留湟中並多娶妻婦忍生九子為九種舞生十七子為十七種羌之興盛從此起矣及忍子研立時秦孝公雄強威服羌戎孝公使太子駟率戎狄九十二國朝周顯王研至豪健故羌中號其為後研種及秦始皇務并六國以諸侯為事兵不西行故種人得以繁息從爰劍種五世

至研研最豪健自後以研為種號十三世至燒當復豪
健其子孫更以燒當為種號西羌自爰劍後子孫支分
凡百五十種其九種在賜支河首以西及在蜀漢徼北
前史不載口數惟參狼在武都勝兵數千人其五十二
種衰少不能自立分散為附落或絕滅無後或引而遠
去其八十九種惟研種最強勝兵十餘萬其餘大者萬
餘人小者數千人更相鈔盜盛衰無常順帝時勝兵合
可二十萬人發羌唐旄等絕遠未嘗往來犛牛白馬羌

在蜀漢其種別名號皆不可紀知也

一云白蘭白狗
皆西羌別種也

黃牛羌南與白馬隣各有種類孕身六月而生

党項羌者三苗之裔也其種有宕昌白狼皆自稱獼猴種又云西羌之別種魏晉後西羌微弱其後連吐谷渾有大部落衆皆強盛其族有招祆等唐時有六府部落曰野利越詩野利龍兒野利厥律兒黃野海梅野萃等居慶州者號為東山部落居夏州者號平夏部落

宕昌國在河南國之東南益州之西北隴西之西羌種

也其先蓋三苗之裔

高昌國闕氏為主其後為河西王沮渠茂虔弟無諱襲破之其王闕爽奔于芮芮無諱據之稱王一世而滅國人又推麴氏為王名嘉

滑國者車師之別種也後漢永建元年八滑從班勇擊北虜有功勇上八滑為後部親漢侯

白題國王姓支名史稽殺其先蓋匈奴之別也氏人有王所從來久矣自漢開益州置武都郡排其種人分窟

山谷間或在福祿或在汧隴左右其種非一稱槃瓠之
後或號青氐或號白氐或稱蚘氐此蓋蟲之類而處中
國人即其服色而名之也其自相號曰蓋雅各有王侯
多受中國封拜漢建安中興國氐王阿貴白項氐王萬
千各有部落萬餘至十六年從馬超為亂超破之後阿
貴為夏侯淵所攻滅萬千西南入蜀其部落不能去皆
降國家分徙其前後兩端者置扶風美陽今之安夷撫
夷二部護軍所典是也其太守善分留天水安南界今

之廣平魏郡所守是也其俗語不與中國同及羌離胡各自有姓姓如中國之姓矣此蓋昔所謂西戎在於邽冀獮道者也今雖都統於郡國然故自有王侯在其墟落間又故武都地陰平街左右亦有一萬餘落

貲虜本匈奴也匈奴名奴婢為貲始建武時匈奴哀分去其奴婢亡匿在金城武威酒泉北黑水西畜牧逐水草抄盜涼州部落稍多有數萬不與東部鮮卑同也其種非一有大胡有丁令或頗有羌雜處由本無奴婢故

也

畧陽清水氏楊氏秦漢以來世居隴右為豪族漢獻帝建安中有楊騰者為部落大帥騰子駒勇健多計畧始徙仇池

武興國本仇池宋文帝時楊難當自立為秦王帝遣裴方明討之難當奔魏其兄子文德聚眾於盧宋因授以爵位魏又攻之文德奔漢中從弟僧嗣又自立復盛於盧卒文德弟文洪為白水太守屯武興宋世以為武都

王武興之國自此始矣

鄧至羌者羌之種也有像舒治者世為白水酋帥乃自稱王焉

契苾力何之先鐵勒別部之酋長也父葛隋大業中繼為特勒以地逼吐谷渾所居隘狹又多瘴癘遂入龜茲居於熱海之上

河南王者其先出自鮮卑慕容氏初慕容維干干有二子庶長曰吐谷渾嫡曰鹿維干卒鹿嗣位吐谷渾避之

西徙上隴度抱罕出涼州西南至赤水而居之地在河
南故以為號其後吐谷渾孫葉延頗識書記自謂曾祖
奕錐干始封昌黎公益公孫之子也禮以王父字為氏
因姓吐谷渾亦為國號至其末孫阿豺始通江左宋元
嘉末阿豺弟子慕延又自號河南王

吐蕃在吐谷渾之西本西羌別種南涼禿髮利鹿孤之
後以禿髮為國音訛故曰吐蕃利鹿孤初有子曰樊尼
奔沮渠蒙遜署臨松郡承蒙遜滅建國西土改姓勃率

野

噉噉國大月氏之種類也亦高車之別種

悅般國在烏孫西北去代一萬九百三十里其先匈奴
北單于之部落也

焉耆國其王姓龍名鳩鵲卑那即前涼張軌所討龍熙
之嗣

北狄匈奴其先夏后氏之苗裔曰淳維匈奴始祖名殷時始奔北邊

唐虞以上有山戎獫狁薰鬻皆匈奴別號獫音險鬻音弋六切居於北

邊其後周文王伐吠夷

吠音土犬切又曰昆或作混緄二字並工本切混緄吠聲相近

耳山海經云黃帝生苗龍苗龍生融吾融吾生弄明弄明生白犬白犬有二牝牡是為吠戎

穆王伐

吠戎宣王伐獫狁秦襄公齊桓公伐山戎至於晉文公

攘戎翟居於西河園雒之間

園音鷲水名水聲之和因名也出上郡即今銀州銀

水是也雒水亦謂之漆沮也

號曰赤翟白翟

春秋所書晉師滅赤狄潞氏卻缺獲白翟子者

而秦穆公得繇余西戎八國服於秦故隴以西有繇諸

吠戎狄獫之戎

皆在天水界即繇諸道及獫道是也獫音垣

在岐梁涇漆之

北有義渠大荔烏氏胸衍之戎

此漆水在新平荔音隸氏音支胸音許于切

而晉北有林胡樓煩之戎燕北有東胡山戎

鳥桓之先也後為鮮

卑各分散谿谷自有君長往往而聚者百有餘戎然莫能

相一趙襄子踰句注而破之并代以臨胡貉

貉音莫洎切

秦

始皇時匈奴單于曰頭曼

音莫安切

姓摩鞞氏

摩音力全切鞞音丁奚切

其大臣皆世官呼衍氏蘭氏

呼衍即今鮮卑姓呼者是也蘭今亦有之

其後

有須卜氏此三姓其貴種也西晉時北狄以部落為類

其入居塞者有屠各種鮮支種寇頭種烏譚種赤勒種

桿蛭種黑狼種赤沙種鬱鞞種萎莎種秃童種勃菟種

羌渠種賀賴種鍾鼓種大樓種雍屈種真樹種力羯種
凡十九種皆有部落相雜錯屠各最豪貴故得為單于

統領諸種南匈奴醯落尸逐鞬單于北者

醯音火兮切
北單于名也

呼韓邪單于之孫烏珠留若鞬單于之子也自呼韓邪
後諸子以次立至比季父單于與時以北為右莫鞬日

逐王部領南邊及烏桓

莫音於六切
鞬音几言切

後漢建武二十四

年冬自立為呼韓邪單于是年十二月癸丑匈奴始分
為南北單于

烏桓者本東胡也

桓亦作丸

漢初匈奴冒頓滅其國餘類保

烏桓山因以為號焉氏姓無常以大人健者名字為姓
鮮卑亦東胡之餘也別保鮮卑山因號焉漢初亦為冒
頓所破遠竄遼東塞外與烏桓相接後漢建武二十三
年始通譯使桓帝時鮮卑檀石槐者其父投鹿侯初從
匈奴軍三年其妻在家生子投鹿侯歸怪欲殺之妻言
常晝行聞震雷仰天視而電入其口因吞之遂姓身十
月而產此子必有奇異且宜長視投鹿侯不聽遂棄之

妻私語家令收養焉名檀石槐其後盡據匈奴故地東
西萬四千餘里

蠕蠕蓋匈奴之別種也

南史謂之芮芮

姓郁久閭氏後魏神元

之末掠騎有得一奴髮始齊眉忘本姓名其主字曰木

骨閭

言首秃也

木骨閭與郁久閭聲相近故後子孫因以為

氏木骨閭既壯免奴為騎卒穆帝時坐後期當斬

臣欽若等

曰神元穆帝皆後魏追封年號

亡匿廣漠谿谷間收合逋逃得百餘人

依純突隣部木骨閭死子車鹿會雄健始有部衆自號

為柔然後太武以其無知狀類於蟲故改其號為蠕蠕
突厥之先平涼雜胡也姓阿史那氏後魏太武滅且渠
氏阿史那以五百家奔茹茹世居金山工於鐵作金山
狀如兜鍪俗呼兜鍪為突厥因以為號或云其先國於
西海之上為隣國滅男女無少長盡殺之至一兒不忍
殺則足斷臂棄於大澤中有一牝狼每銜肉至其所此
兒因食之得以不死其後遂與狼交狼有孕焉彼隣國
者復令人殺此兒而狼在其側使者將殺之其狼若為

神所憑歛然至于海東止於山上其山在高昌西北下有洞穴狼入其中遇得平壤茂草地方二百餘里其後狼生十男其一姓阿史那氏最賢遂為君長故牙門建狼頭纛示不忘本也又云突厥之先出於索國在匈奴之北其部落大人阿謗步兄弟十七人其一曰伊質泥師都狼所生謗步等性亦愚癡國遂被滅泥師都既別感異氣能徵召風雨娶二妻云夏神冬神之女一孕而生四男其一變為白鴻其一國於阿輔水之間號為契

骨其一國於處析水其一居跋斯處析施山即其大兒也山上仍有阿誇步種類並多寒露大兒為出火溫養之咸得全濟遂共奉大兒為主號為突厥即訥都六設也都六有十妻所生子皆以其母族為姓阿史那是其小妻之子也都六死十母子內欲擇立一人乃相率於大樹下共為約曰向樹跳躍能最高者推立阿史那子年幼而跳最高諸子遂奉以為主號阿賢設此說雖殊然皆狼種也其後曰土門部落稍盛始至塞上市繪絮

願通中國

西突厥者突厥木杆可汗之子大邏便沙鉢也與沙鉢
畧有隙古隙字因分為二其國則烏孫之故地也其人雜
有都陸及弩失畢歌羅祿處月處密伊吾等諸種

沙陀突厥本西突厥之別種也唐則天萬歲通天中有
黑離軍討擊使沙陀金山為金滿州都督其後又有沙
陀骨咄支沙陀盡忠等十餘人皆官至將軍仍兼金滿
州都督元和三年迴鶻破涼州吐蕃意沙陀致之欲西

徙以散弱其類沙陀遂舉帳東來轉戰三千餘里本出
甘州有九千餘人五月到靈州者小纔二千餘人素駝
千餘頭馬六七百匹餘皆戰死餒死及散失范希朝時
為靈武節度為市牛羊孳息群牧鳳翔興元太原等數
道後得迸落之餘歸之靈州四年八月范希朝移鎮太
原詔沙陀舉軍隨之希朝奏選一千二百人為軍其餘
種落本欲置之大同川其川接生奚路慮河水合其眾
西走遂居之於襄州谷中

退渾者本吐谷渾之族音訛曰退渾唐至德後吐蕃彊盛乃徙居陰山赫連鐸則退渾之首帥咸通中以從康承訓破龐勛有功補陰山都督

都波國鐵勒之別種也

霫匈奴之別種也

稽胡一曰步落稽蓋匈奴別種劉元海五部之苗裔也或云山戎赤狄之後離石以西安定以東方七八百里居山谷間種落繁熾

高車蓋古赤狄之別種也或云其先匈奴之人也其種有狄氏袁紇氏斛律氏斛批氏護氏異奇斤氏又曰高車之族有十二姓一曰泣伏利氏二曰吐盧氏三曰乙旃氏四曰大連氏五曰窟賀伏氏六曰達薄于氏七曰阿崙氏八曰莫允氏九曰侯分氏十曰副伏羅氏十一曰乞袁氏十二曰右升沛氏

破六韓匈奴單于之裔也右金蠡王潘六奚沒於魏其子孫遂以潘六奚為氏後人訛誤以為破六韓世領部

落

鐵勒之先匈奴之苗裔也種類最多自西海之東依據山谷往往不絕獨雒河北有僕骨同羅韋紇拔也古覆羅並號俟斤蒙陳吐如紇斯結渾斛薛等諸姓勝兵二萬伊吾以西焉耆之北傍白山則有契弊薄落職乙啞蘇婆那曷烏灌紇骨也啞於尼灌等勝兵可二萬金山西南有薛延陀啞勒兒十槃達契等一萬餘兵康國北傍阿得水則有訶啞易截撥忽比干具海曷比悉何嗟

蘇拔也未渴達等有
三萬許兵傍疑海東西有蘇路羯
三索咽筏促薛忽等諸姓
八千餘拂菻東則有恩屈阿
蘭北褥九離伏温昏等二萬人
北海南則都波等雖姓氏各別
總謂鐵勒並無君長屬東西兩突厥

薛延陀者鐵勒之別部也
本姓薛氏其先擊滅延陀而有其衆
因號為薛延氏又云與薛部雜居
因號薛延陀可汗姓壹利咄氏代為強族
初茹茹之滅也並屬於突厥至隋開皇中啓民滅都濫鐵勒亡
敗依于西蕃至曷

婆那可汗徵稅無度鐵勒咸怨遂以延陀之祖乙失以
為野啞可汗居燕末山及射匱之立也又臣於突厥乃
去可汗之號而部落中分在鬱督軍山者東屬於姑畢
在貪汗山者西屬於葉護國亂乙失鉢之孫曰夷男率
其部落七萬餘家東歸於頡利

回紇其先匈奴之裔也在後魏時號為鐵勒部落後謂
之特勒特勒始有僕骨同羅韋紇拔也古覆羅並號俟
斤後稱回紇有時健俟斤死其子曰菩薩部落以為賢

而立之回紇之盛錄菩薩之興焉至唐貞觀二十年太宗受其降款為置六府七州以回紇部為瀚海府拜其侯利發吐迷度為都督又以多覽為燕然府僕骨為金微府拔野古為幽陵府同羅為龜林府思結為廬山府渾部為皋蘭州斛薩為高闕州阿跌為雞田州契苾為榆溪州白霄為真顏州開元中回紇漸盛有九姓部落一曰藥羅葛即可汗之姓二曰胡咄葛三曰咄羅勿四曰貊歌息訖五曰阿勿啗六曰葛薩七曰斛嗚素八曰

藥勿葛九曰爰耶勿每一部落一都督後破拔息密收
一部落破葛邏祿收一部落各置都督一人統號十一
部落

契丹古匈奴之種也其君長姓大賀氏唐貞觀二十二
年蕃長窟哥率所部內屬乃置松漠府以窟哥為都督
賜姓李氏昭宗時其王欽德政衰有別部首長耶律按
巴堅者最推雄勁族帳漸盛代欽德為王

奚本東部胡之種也為慕容氏所破遺落者竄匿松漠

之間曰庫莫奚初臣於突厥後稍強盛分為五部一曰
辱紇主二曰莫賀弗三曰契箇四曰木昆五曰室得每
部俟斤一人為其帥隨逐水草頗同突厥有阿會氏五
部中為盛諸部皆歸之唐貞觀二十二年酋長可度者
率所部內屬乃置饒樂府以可度者為都督賜姓李氏
天祐初契丹兵力漸盛室韋雷亦匈奴之別種也皆受制焉
虜政苛虐奚之首領去諸怨之以別部內附徙於媯州
依北山而居漸至數千帳故有東西奚之號去諸卒子

掃刺代立

室韋者契丹之別種也其國無君長有大首領十七人並號莫賀弗世管攝之而附於突厥至唐有九部焉所謂嶺西室韋山北室韋黃頭室韋並大如者室韋小如者室韋婆萬烏戈切室韋訥北室韋駱駝室韋並在柳城郡之東北近者三千五百里遠者六千二百里其北大山之北曰大室韋

靺鞨者肅慎之苗裔也邑落俱有酋長不相總一凡有

七種其一號粟末部與高麗相接勝兵數千多驍武每
寇高麗中其二曰汨咄部在粟末之北勝兵七千其三
曰安車骨部在汨咄東北其四曰拂涅部在汨咄東其
五曰號室部在拂涅東其六曰黑水部在安車骨西北
其七曰白山部在粟末東南

黑水靺鞨後魏謂之勿吉有酋帥突地稽者隋末率其
部落千餘家內屬處之營州煬帝授以遼西太守唐武
德初以其部落置幽州以突地稽為總管開元十三年

置黑水府以其首領為都督十六年賜姓李氏又其部類凡有七種一號曰粟末部二曰汨咄部三曰安車骨部四曰拂涅部五曰號室部六曰黑水部七曰白山部渤海靺鞨大祚榮本高麗別種也唐開元中高麗滅祚榮家屬東保桂婁之故地據東牟山築城居之祚榮驍勇善用兵靺鞨之衆及高麗餘燼稍稍歸之



冊府元龜卷九百五十六

欽定四庫全書

子部

冊府元龜卷九百五十七至
六十

詳校官中書臣賈鏐

侍讀臣孫球覆勘

總校官庶吉士臣何思鈞

校對官庶吉士臣毛鳳儀

謄錄監生臣桑英

欽定四庫全書

冊府元龜卷九百五十七

宋 王欽若等 撰

外臣部

國邑

禹貢之制五百里荒服曰蠻曰蠻曰荒周官衛服之外曰蠻
曰夷曰錯曰藩皆戎夷之區聲教罔達職貢無法流移
靡常可以德綏難以力制也漢武承富庶之業好疆場
之功或討以戈甲或餌以玉帛猛將椎鋒以挫其銳辯

士緩頰以動其心是以三王之所不臣六經之所不載
皆克斤蠻夷之邸俯伏北闕之下至乃涉懸度越流沙
泛重溟踰峻嶺回面受吏稽顙述職焉其後經畧所至
軌跡漸廣或卉服入覲或輜軒出使莫不詢其封域考
其都鄙記里候之遐邇詳版籍之衆寡告於史氏著之
方冊今之論次者亦以續伯益之山經備成周之士訓
云爾

東夷朝鮮者周武王勝殷釋箕子之囚箕子不忍受周

士緩頰以動其心是以三王之所不臣六經之所不載
皆克斤蠻夷之邸俯伏北闕之下至乃涉懸度越流沙
泛重溟踰峻嶺回面受吏稽顙述職焉其後經畧所至
軌跡漸廣或卉服入覲或輜軒出使莫不詢其封域考
其都鄙記里候之遐邇詳版籍之衆寡告於史氏著之
方冊今之論次者亦以續伯益之山經備成周之士訓
云爾

東夷朝鮮者周武王勝殷釋箕子之囚箕子不忍受周

之釋走之朝鮮武王聞之因以朝鮮封之周末燕人衛

滿自始全燕時嘗畧屬真番

一作莫遼東有番汗縣番音普寒切

朝鮮為

置吏築鄣塞秦滅燕屬遼東外徼漢興為其遠難守復
修遼東故塞至涓水為界屬燕燕王盧綰叛入匈奴滿
亡命聚黨千餘人魑結蠻夷服而東走出塞渡涓水居
秦故空地上下鄣稍役屬真番朝鮮蠻夷及故燕齊亡
命者王之都王險

昌黎有險濟縣

會孝惠高后時天下初定遼

東太守即約滿為外臣保塞外蠻夷無使盜邊諸蠻夷

君長欲入見天子勿得禁止以聞帝許之以故滿得兵
威財物侵降其旁小邑真番臨屯皆來服屬方數千里
傳子至孫右渠元封三年夏尼泥谿相叅使人殺右渠
來降遂定朝鮮為四郡

真番臨屯
樂浪玄菟

濊貊國南與辰韓北與高句麗沃沮接東窮大海朝鮮
之東皆其地也

濊一
作濊

夫餘國在玄菟北千里南與高句麗東與挹婁西與鮮
卑接北有弱水地方二千里本濊地也東夷之域最為

平敞國中有古濊城本濊貊之城也漢武帝元朔元年武帝以其地為滄海郡數年乃罷至元封三年滅朝鮮分置樂浪臨屯玄菟真番四部至昭帝始元五年罷臨屯真番以并樂浪玄菟玄菟復徙居句麗自單單大嶺已東沃沮濊貊悉屬樂浪後以境土廣遠復分領東七縣置樂浪東部都尉

豆莫婁在勿吉北千里去雒陽六千里餘地挹婁古肅慎之國也在夫餘東北千餘里東濱大海西接寇漫汗

國北極弱水其二界廣袤數千里居深山窮谷其路險阻車馬不通

高句麗

一作驪

在遼東之東千里南與朝鮮濊貊東與沃

沮北與夫餘接地方二千里戶三萬多大山深谷無原澤人隨山谷以為居其國漢之玄菟郡也其地東至新羅西度遼水二千里南接百濟北隣靺鞨千餘里地平壤城即漢樂浪之故地東西六里南臨沮水城內惟積倉儲器械備寇賊至日方人固守王財別為宅於其側

不常居之其外有城及漢城亦別都也復有遼東玄菟
等數十城皆置官司以相統攝平壤城亦曰長安城東
六里隨山屈曲南臨湨水復有國內漢城並其都會之
所國中呼為三京唐貞觀五年高麗又發其國衆築長
城東北自夫餘城西南至海千有餘里

句麗在遼東郡西安平縣北依卜水為居因名曰卜水
貊

東沃沮在高句麗蓋馬大山之東

蓋馬縣名屬玄菟郡
其山在今平壤城東

東濱大海北與挹婁夫餘南與濊貊接其地東西夾南

北長

夾音狹

可折方千里戶五千無大君王世世邑落各

有長帥漢武帝元封二年伐朝鮮以沃沮城為玄菟郡
後為夷貊所侵徙郡句麗西北所謂玄菟故府是也沃
沮還屬樂浪漢以土地廣遠在單單大嶺之東分置東
部都尉不耐城別主領東七縣

北沃沮一名置溝婁去南沃沮八百餘里界南接挹婁
挹婁人善乘船寇鈔北沃沮畏之每夏藏於巖穴至冬

船道不通乃下居邑落

馬韓古之辰國也居山海之間無城郭凡有五十四國其北與樂浪南與倭接

辰韓在帶方東南西海以為限十有二國其北與濊貊接

弁辰在辰韓之南亦十有二國其南亦與倭接三韓凡七十八國百濟是其一國焉大者萬餘戶小者數千家各在山海間地各方四千餘里東西以海為限

倭國在帶方東南其王居邪馬臺國

案今名邪摩堆音之訛也樂浪

郡徼去其國萬二千里去其西北界拘邪韓國七千餘里其地大較在會稽東治之東與朱崖儋耳相近舊有百餘小國相接至魏時有三十國通好戶有七萬去帶方萬二千餘里從帶方至倭循海水行歷韓國乍東乍南七千餘里始度一海海濶千餘里名瀚海至支國又度一海千餘里名末盧國又東陸行五百里至伊都國又東南行百里至奴國又東行百里至不彌國又南水

行二十里至投馬國又南水行十日陸行一月日至
邪馬臺國夷人不知里數但計以日其國境東西五
月行南北三月行各至於海其地勢東高西下都於
邪摩堆東海嶼中野人有邪古婆邪多尼三國皆附
庸於倭北限大海西北接百濟北抵新羅西南與越
州相值

日本國倭之別名自云國在日邊故以日本為名

東鯤人

鯤音達
奚切

在會稽海外分為二十餘國夷洲在臨

海東南去郡二千里

裨離國在肅慎西北馬行可二百日領戶三萬

養雲國去裨離馬行有五十日領戶二萬

寇莫汗國去養雲國又百日行領戶五萬餘

一羣國去莫汗又百五十日計去肅慎五萬餘里

百濟國在遼東之東千餘里始國於帶方故其地界東

極新羅北接高句麗西南俱限大海東西四百五十里

南北九百餘里治固麻城其外更有五方中方曰古沙

城東方曰得安城南方曰久知下城西方曰刀先城北
方曰熊津城以子弟宗族分據之又云其都曰居枝城
國南海行三月有耽牟羅國南北千餘里東西數百里
土多麋鹿附庸於百濟百濟自西行二日至貊國西南
島居者十五所皆有城邑

新羅國在百濟東南五百餘里漢時樂浪之地東及南
方阻大海西接百濟北隣高麗地東西千里南北二千
里有城邑村落王之所居曰金城周七八里

靺鞨在高麗之北其地在營州之東二千里南與新羅相接越喜靺鞨東北至黑水靺鞨地方二千里編戶十餘萬兵數萬人

文身國在倭國東北七千餘里

大漢國在文身國東五千餘里

扶桑國在大漢國東一萬里地在中國之東其土多扶桑木故以為名

女國在扶桑東千餘里

琉球國居海島之中當建安郡東水行五日而至所居
曰波羅檀洞塹柵三重環以流水樹棘為藩王所居舍
其大一十六間瑯刻禽獸多闢鏤樹似橘而葉密條纖
如髮然下垂

南蠻林邑國蝦夷海島中小國古越裳之界也在交州
南海行三千里北連九真秦時故林邑縣漢象林縣後
漢伏波將軍馬援開漢南境置北縣其地縱廣可六百
里城去海百二十里去日南界四百餘里北接九真郡

其南界水涉道二百餘里有西屠夷亦稱王馬援植兩
銅柱表漢界處也

扶南國在日南之南西去林邑三千餘里在海大灣中
其境廣袤三千里有城邑宮室城去海五百里

毗騫國去扶南八千里有大江廣十里西北流東入於
海

真臘國在林邑西南本扶南國之屬國也去日南郡舟
行六十日而至南接車渠國西有朱江國其國郭下二

萬餘家城中有一大堂是王聽政之所總大城三十城有數千家各有部帥官名與林邑同南方人謂真臘國為吉蔑國自唐神龍以後真臘分為二半以南近海多陂澤處謂之水真臘半以北多山阜處謂之陸真臘半亦謂之文單國水真臘國其境東西南北約皆八百里東至奔陁浪州西至隋羅鉢底國南至小海北即陸真臘其王所居城號婆羅提拔國之東界有小城皆謂之

國



黃支國去合浦日南三萬里

荆蠻槃瓠之後也其邑君長所居皆深山重阻人跡罕至長沙黔中五溪蠻皆是也

叅半國在真臘西南千餘里城臨大海土地下濕

白頭國在扶南之西叅半之西南

于阇利國在南海洲上

婆利國在廣州東南海中洲上去廣州二月日行國界東西五十日行南北二十日行有一百三十六聚

頓遜國在林邑西南海崎上地方千里城去海千餘里

邊斗四國者邊斗國

班一云

都昆國

一作都軍

拘利國

一作九雅

北

嵩國並扶南度金隣大灣南行三千里

殊奈國在林邑南去交阯海行三月餘日

噉人國在交阯西今謂之烏潞人

金利毗逝國在京西南四萬餘里東去致物國二千里

西去赤土國一千五百里南去波利國三千里北去柳

衢國三千里其國有城邑庭舍

墮和羅國南與盤盤北與迦邏舍佛東與真臘接西隣
大海去高州五月日行

多蔑國在南海外國界週迴可一月行南阻大海西阻
俱遊國北波刺國東真陀洹國戶口極多置三十州不
役屬他國有州郭宮殿樓櫓並用瓦木

多摩長國居於海島東與婆鳳西與多隆南與半友跋
華言五北與訶陵等國接其界東西可一月行南北可
山也

二十五日行

杜薄國在扶南東漲海中直渡海數十日至洲有十餘國城皆稱王

烏篤國在中天竺南地方五千餘里

薄刺洲在拘利南海灣中一名勃焚洲

狼牙修國在南海中其界東西三十日行南北二十日行去廣州二萬四千里

婆利國在廣州東南海中洲上去廣州二月日行國界東西五十日行東北二十日行有一百三十六聚或曰

其國在林邑東南海中洲上其地延袤數千里自交州南渡海經林邑扶南赤土文單數國乃至焉

盤盤國在林邑之南海曲中與狼牙修國為隣

丹丹國在多羅磨羅國西北振州東南理所可二萬餘家亦置州縣以相統領

陀洹國在林邑西南大海中東南與墮和羅接去交阯三月餘日行賓服於墮和羅

修羅分國居於南海之北以木柵為城東至真臘國南

至海其王名尸達摩提婆精兵三萬餘人

甘軍國居於南海之濱東接林邑其王名旗陀越摩精
兵可五千人

哥羅舍分國在南海之南東接墮和羅國其王名蒲伽
越摩精兵二萬人

赤土國扶南之別種也在南海中水行百餘日而達所
都土色赤因以為號東波羅刺國西婆羅婆國南訶羅
旦國北拒大海方數千里其王居僧祇城有門三重相

去各百許步每門圖畫飛仙仙人菩薩之象懸金花鈴
旣婦女數十人或奏樂或捧金花又飾四婦人容飾如
佛塔邊金剛力士之狀夾門而立門外者持兵仗門內
者執白拂夾道垂素網綴花王宮諸屋悉是重閣北戶
北面而坐坐三重之榻衣朝霞布冠金花冠垂雜寶纓
絡四女子立侍左右兵衛百餘人王榻後作一木龕以
金銀五香木雜鈿之龕後懸一金光焰夾榻又樹二金
鏡鏡前並陳金甕甕前各有金香爐當前置一金伏牛

牛前樹一寶蓋左右皆有寶扇婆羅門等數百人東西重行相向而坐

汶陽蠻在臨沮西界二百里中水六達峽魚貫行有數處不通騎西北接梁州新城東北接南襄城南接巴竺三邊並山蠻克盛據險為寇賊

板楯蠻其人多居閭中渝水左右

東謝蠻其地在黔州之西數百里南接守宮獠西連夷子北至白蠻

西趙蠻在東謝之南其界東至夷子西至昆明南至西

洱河

洱音
珙

山洞阻深莫知道里南北十八日行東西二

十三日行

南平蠻北與涪州接部落四千餘戶

羅刹國在婆利之東

訶陵國在真臘國之南其王所居豎木為城造大屋重

閣覆以椶櫚皮

甘棠國在大海之南崑崙人也

占城國在中華西南其地東西七百里南北三千里東
暨海西雲南南真臘國北驩州界東北暨兩浙海程三

十日

西南夷君長以十數夜郎最大

後為縣屬
牂牁郡

其西靡莫之

屬以十數滇最大

滇音顛地有
滇池因為名

自滇以北君長以十數

邛都最大

今之邛
州本其地

其外西自桐師以東北至葉榆

葉榆

澤名因以立號後
為縣屬益州郡

名為雋昆明

雋音髓今雋州也昆明
又在其西南即南寧州

諸囊所居
是其地也

自雋以東北君長以十數徙柞都最大

徙及
柞都

二國也徙音斯後為徙縣屬蜀郡
徙都後為沈黎郡徙音昨

自徙以東北君長十數冉

駝最大

駝音危今夔州開州
首領多姓冉者

自冉駝以東北君長以十數

白馬最大皆氏類也皆巴蜀西南外蠻夷

夜郎國東接交阯

滇國夜郎西有池周回二百餘里水源深廣而未更淺
狹有似倒流故謂之滇池河

邛都夷漢武帝所開以為邛都縣無幾而池陷為江澤
因名為邛池南人以為邛河

祚都夷漢武帝所開以為祚都縣後為沈黎郡天漢四年并蜀為西部置兩都尉一居旄牛主徼外夷一居青衣主漢人

丹駝夷漢武帝所開以為汶山郡其山有六夷七羗九氏各有部落

哀牢夷後漢光武時始通中國明帝時內屬其稱邑王者七十七人戶五萬一千八百九十口五十五萬三千七百一十四西南去雒陽七千里

南詔蠻自言哀牢之後代居蒙舍州為渠帥在漢永昌故郡東姚州之西

驃國在永昌故郡南二千餘里東北拒南詔陽苴咩城六千八百里凡去上都一萬四千里其國境東西三千里南北五千五百里往來通聘者伽羅婆提等二十國役屬者道林王等九城食境土者羅君潛等二百九十八部落東隣真臘國西接東天竺國南盡滇海北通南詔步步樂城界其王姓困設長名摩羅匿其國相名摩

阿思那其王近適則輿以金繩床遠適則乘象嬪御甚衆侍御常數百人其羅城構以磚甃周一百六十里壕岸亦構磚相傳本是舍利佛城內有居人數萬家佛寺百餘區其堂宇皆錯以金銀渥以丹彩地以紫鑛覆以錦罽

附國在蜀郡西北二千餘里即漢之西南夷也其國南北八百里東西千五百里無城近川谷傍山險俗好復讎故壘石為礫而居以避其患礫高十餘丈下至五六

丈每級丈餘以木隔之基方三四步礫上方二三步狀似浮圖於下級開小門從內上通夜必關閉以防盜賊西爨古南中地延袤二千里

獠出自梁益之間散居山谷依樹積木以居其上自晉桓溫破蜀之後蜀人東流山險之地多空獠遂挾山傍谷與夏叅居

昆彌國一曰昆明西南夷也在爨之西以二河為界即古葉榆河也去京師九千里勝兵數萬人漢武帝時得

其地入益州郡其後復絕

西域自漢武帝時始通三十六國其後稍分至五十餘

哀平時有五十五國皆在匈奴之西烏孫之南南北有大山中央

有河東西六千餘里南北千餘里東則接漢漢限以玉

門陽關

二關皆在燉煌西界

西則限以蔥嶺

蔥嶺其山高大多生蔥故以名焉

其

南山東出金城與漢南山屬焉

婁菴國王號去胡來王

言去離胡域來附漢也

去陽關千八百里

去長安六千三百里辟在西南不當孔道

辟讀曰僻孔道者穿山險

而為道今言穴徑也

戶四百五十口千七百五十勝兵者五百人

西與且末接

且音予餘切

鄯善國本名樓蘭王治杆泥城

杆音一胡切干同

去陽關千六

百里去長安六千一百里戶千五百七十口萬四千一

百勝兵二千九百十二人輔國侯郤胡侯

郤音邱畧切

鄯善

都尉擊車師都尉左右且渠擊車師君各一人譯長二

人西北去都護治所千七百八十五里至山國千三百

六十五里西北至車師千八百九十里且末國王治且

末城去長安六千八百二十里戶二百三十口千六百
一十勝兵三百二十人輔國侯左右將譯長各一人西
北至都護治所二千二百五十八里北接尉犁南至小
宛可三日行西通精絕二千里

精絕國王治精絕城去長安八千八百二十里戶四百
八十口三千三百六十勝兵五百人精絕都尉左右將
譯長各一人北至都護治所二千七百二十三里南至
戎盧國四月行地阨陋西通杆彌四百六十里

杆彌國王

一作拘彌

治杆彌城去長安九千二百八十里戶

三千三百四十口二萬四十勝兵三千五百四十輔國

侯左右將左右都尉左右騎君各一人譯長二人東北

至都護治所三千五百五十三里南與渠勒東北與龜

茲西北與姑墨接西通于闐

田殿二音

三百九十里後漢時

名寧彌

戎盧國王治卑品城去長安八千三百里戶二百四十

口千六百一十勝兵三百人東北至都護治所二千八

百五十八里東與小宛南與婁羗西與渠勒接南僻不當道

渠勒國王治鞬都城

鞬音鈴
居言切

去長安九千九百五十里

戶三百一十口二千一百七十勝兵三百人東北至都護治所三千八百五十二里東與戎盧西與婁羗北與杆彌接

小宛國王治杆零城去長安七千二百一十里戶一百五十口千五十勝兵二百人輔國侯左右都尉各一人

西北至都護治所二千五百五十里東與婁羗接南僻
不當道

于闐國去玉門陽關三百餘里王治西城去長安九千
六百七十里戶三千三百口萬九千三百勝兵二千四
百人東北至都護治所三千九百四十七里南與婁羗
接北與姑墨接一說去雒陽萬一千七百里東去鄯善
千五百里南去女國三千里西去朱俱波千里北去龜
茲千四百里東北去瓜州二千八百里又云在葱嶺之

北二百里南帶葱嶺與婆羅門接相去三千餘里所都城方八九里南與吐蕃接西北至踈勒二千餘里國城之東有曰白玉河西有綠玉河次西有烏玉河其源同出崑崙山去國西一千三百餘里

又云城東有大水北流號附支水即黃河

也

皮山國王治皮山城去長安萬五千里戶五百口三千五百勝兵五百人左右將左右都尉騎君譯長各一人東北至都護治所四千二百九十二里西南至烏耗國

千三百四十里

烏音一加切
耗音直加切

南與天竺接北至姑墨千

四百五十里西南當屬賓烏弋山離道西北通莎車三

百八十里

烏托國王治烏托城去長安九千九百五十里戶四百

九十口二千七百三十三勝兵七百四十人東北至都

護治所四千八百九十二里北與子合蒲犁西與難兜

接山居田石間有白草壘石為室

蒲犁國王治蒲犁谷去長安九千五百五十里戶六百

五十口五千勝兵三千人東北至都護治所五千三百
九十六里東至莎車五百四十里北至疏勒五百五十
里南與西夜子合接西至無雷五百四十里侯都尉各
一人寄田莎車種俗與子合同

西夜國王號子合王治呼犍谷

犍音鉅
言切

去長安萬二百

五十里戶三百五十口四千勝兵千人東北到都護治
所五千四百六里東與皮山西南與烏秣北與莎車西
與蒲犁接

德若國領戶百餘口六百七十勝兵三百五十東去長
史居三千五百三十里去雒陽萬二千一百五十里與
子合相接

依耐國去長安萬一百五十里戶一百二十五口六百
七十勝兵三百五十人東北至都護治所二千七百三
十里至莎車國五百四十里至無雷五百四十里北至
疎勒六百五十里南與子合接

無雷國王治盧城去長安九千九百五十里戶千口七

千勝兵一千人東北至都護治所二千四百六十五里南至蒲犁五百四十里南與烏托北與捐毒西與大月

氏接

捐毒即身毒天竺也本皆一名語有輕重耳

難兜國王治去長安萬一百五十里戶五千口三萬一千勝兵八千人東北至都護治所二千八百五十里西至無雷三百四十里西南至屬賓國三百三十里南與婁羌北與休循西與大月氏接

屬賓國王治循鮮城去長安萬二千二百里不屬都護

戶口勝兵多大國也東北至都護治所六千八百四十里東至烏耗國二千二百五十里東北至難兜國九日行西北與大月氏西南與烏弋山離接南去舍衛國三千五百里後名漕國在葱嶺之北都城方四里勝兵萬餘人北去帆延七百里東去劫國六百里東北去瓜州六千六百里東南去康國百里西去何國百三十里

烏弋山離國王去長安萬二千二百里不屬都護戶口

勝兵多大國也東北至都護治所六十日行東與屬賓
北與撲挑西與犁鞞條支接撲音布木切犁讀與驪同
鞞音鉅連切又鉅言切
行可百餘日乃至條支國

條支國臨西海暑濕田稻人衆甚多其城在山上周回
四十餘里海水曲環其南及東北三面路絕惟西北隅
通陸道轉北而東復馬行六十餘日至安息後役屬條
支為置大將監領諸小城焉

安息國王治番兜城

番音盤

去長安萬一千六百里不屬

都護北與康居東與烏弋山離西與條支接一說居和
犢城去雒陽二萬五千里地方數千里小城數百戶口
勝兵最為殷盛其東界木鹿城號為小安息去雒陽二
萬里西行三千四百里至阿蠻國從阿蠻國西行三千
六百里至斯賓國從斯賓南行度河又往西南至於羅
國九百六十里安息西界極矣自此南乘海乃通大秦
後漢和帝永元九年都護班超遣甘英使大秦抵條支
臨大海欲度而安息西界船人謂英曰海水廣大往來

者逢善風三月乃得度若遇遲風亦有二歲者故入海
人皆齋二歲糧海中善使人思土戀慕數有死亡者英
聞之乃止

大月氏國治監氏城

監一作藍

去長安萬一千六百里不屬

都護戶十萬口四十萬勝兵十萬人東至都護治所四
千七百四十里西至安息四十九日行南與屬賓接後
為匈奴冒頓單于所攻破西擊大夏而臣之都媯水北
為王庭月支有五翎侯

翎即
翕字

休密翎侯治和墨城去都

護二千八百四十一里去陽關七千八百二里雙靡翎

侯治雙靡城去都護三千七百四十一里去陽關七千

七百八十二里貴霜翎侯治護淶城淶音操去都護五千

九百四十里去陽關七千九百八十二里胘頓翎侯胘音

許乙切治薄茅城去都護五千九百六十二里去陽關八

千二百二里高附翎侯治高附城去都護六千四十一

里去陽關九千二百八十三里凡五翎侯皆屬大月氏

一說大月氏北與蠕蠕接數為所侵遂西徙都薄羅城

小月氏國都富樓沙城其王本大月氏王寄多羅子也
寄多羅為匈奴所逐西徙後令其子守此城因號小月
氏一云月氏為匈奴所破小衆不能去者保南山羗號
小月氏

伽倍國故休密翎侯所治和墨城也在莎車西去代萬
三千里民居山谷間

折薛莫孫國故雙靡翎侯所治雙靡城也在伽倍西去
代一萬三千五百里居山谷間

鉗敦國故貴雙翎侯所治護澡城也在折薛莫孫西去
代一萬三千五百六十里居山谷間

閻浮謁國故高附翎侯所治高附城在弗敵沙南去代
一萬三千七百六十里居山谷間

弗敵沙國故肸頓翎侯所治薄茅城也在鉗敦西去代
一萬三千六百六十里居山谷間

冊府元龜卷九百五十七